

Москвадаги «Шайх Мұхаммад Содик Мұхаммад Юсуф» марказида давра сұхбати үтказилди



14:30 / 23.08.2019 1122

Жорий йилнинг 22 август куни Москва шаҳридаги «Шайх Мұхаммад Содик Мұхаммад Юсуф» марказида давра сұхбати үтказилди. Ушбу давра сұхбатида Марказий Осиёлик мекнат мигрантлари, [уламолар](#), мутахассислар иштирок этди.

Жумладан, юртимиздан Ўзбекистон мусулмонлари идораси раиси маслаҳатчиси Абдуҳаким қори Матқулов, Котибият мудири Мұхаммад Аюбхон Ҳомидов, «Ҳилол-нашр» нашриёт-матбаа мажмуаси раҳбари Исмоил Мұхаммад Содик қатнашди.

Тадбирда мекнат мигрантлари таълим-тарбияси, маънавият ва маърифати масалаларига алоҳида эътибор қаратилди. Хусусан, Шайх Мұхаммад Содик Мұхаммад Юсуф илмий меросини ўрганиш, тарғиб этиш ва китобларини мутолаа қилиш мустаҳкам эътиқодни сақлашда катта аҳамиятга эга экани ҳақида сўз юритилди.

Дарҳақиқат, Шайх Мұхаммад Содик Мұхаммад Юсуф нафақат диний, балки маърифий, тарихий, ахлоқий, ижтимоий мавзуларда 100 дан зиёд китоблар ёзған. У кишининг ҳикматли асарлари, сұхбатлари, телевидение ва матбуотдаги чиқишилари ҳар бир инсонни түғри йўлга бошлайди.

Шуни алоҳида таъқидлаш керакки, Шайх Мұхаммад Содик Мұхаммад Юсуф асарлари рус тилига ҳам таржима қилиніб, чоп этилган. Жумладан, «[Тафсир Хилал](#)» (Қуръон каримнинг шарҳи), «Хадисы и Жизнь», «Ийман, Ислам, Куръан», «Суннитские вероубеждения», «Разногласия: причины и решения», «Васатыя - путь жизни», «Счастливая семья», «Открытое послание», «Истина о сути гадания», «Заэм и связанные с ним вопросы» каби китоблар шулар жумласидандир. Шунингдек, олимнинг асарлари қозоқ, қирғиз ва бошқа тилларга ҳам таржима қилинган.

Давлатимиз раҳбари ташаббуси билан Ислом динининг асл моҳиятини тарғиб этиш, ёш авлодни миллий қадриятларимиз руҳида тарбиялашга қаратилған эзгу ишлар қаторида Шайх Мұхаммад Содик Мұхаммад Юсуфнинг илмий меросини тарғиб этиш ёш авлод учун улкан тарбия ва ибрат манбаи бўлиб хизмат қиласди.

Мулоқотда Ўзбекистон мусулмонлари идораси раиси маслаҳатчи Абдуҳаким қори Матқулов сўзга чиқиб, сўнгги йилларда юртимизда амалга оширилаётган кенг кўламли ислоҳотлар, айниқса, диний-маърифий жабҳадаги аҳамияти бекиёс ишлар ҳақида алоҳида тўхталди.

Ўзбекистон мусулмонлари идораси Котибияти мудири Мұхаммад Аюбхон Ҳомидов эса, юртимизда янги масжид-мадрасалар очилгани, илмий марказлар, ихтисослашган мактаблар ташкил этилгани, шунингдек, ватанга садоқат, оила муқаддаслиги, огоҳлик мавзуларида сұхбат қилиб бердилар.

Давра сұхбати якунида меҳнат мигрантлари сўзга чиқиб, Ўзбекистон ҳукумати томонидан хорижда меҳнат қилаётган шахсларни қўллаб-қувватлаш ҳамда уларнинг ҳуқуқ ва манфаатларини ҳимоя қилиш борасида сўнгги йилларда жуда катта ишлар амалга оширилаётгани ва буни барча меҳнат мигрантлари ҳис этаётганларини эътироф этишди.